

續修四庫全書



《續修四庫全書》編纂委員會編

續修四庫全書

上海古籍出版社

一四五七・集部・別集類

荷塘詩集十六卷〔清〕張五典撰……………一

容齋詩集二十八卷附古香詞一卷補遺一卷〔清〕茹綸常撰……………一六一

容齋文鈔十卷〔清〕茹綸常撰……………三九三

述職吟二卷〔清〕劉秉恬撰……………四九一

公餘集十卷〔清〕劉秉恬撰……………五二一

荷塘詩集

荷塘服官廿餘年自晉歷楚所至有聲績及補遺調上元令嘗以公事見余訪以吏治之利病長蘆淳漓民俗之得失一一瞭如指掌既而彙其生平所作詩文裒然成集凡若干卷余受而讀之而益知荷塘之為人也蓋 荷塘以孝友世其家夙承溫柔敦厚之旨所以陶冶其性情者既至而又輟跡徧天下所過名山大川與一時名公卿相交遊以及四方騷人墨士之所在無不折節而延訪則所以拓其聞

序

見激其志氣者復久且深於以發為詩歌其秀也如初日之照芙蕖其清也如秋月之映寒潭其蒼然而古也則又如長松之千尺而不可攬挈洵乎其才之高學之宏而養之裕也吾聞之也非才不可以理繁非學不可以馭才非養不可以蓄所學蓋嘗見夫古所稱循吏者矣其為人也廉而不劌嚴而不苛拊循吏民煦煦慈愛而不失之姑息而人心正風俗厚雖不言詩而詩之道存焉苟非賦才之高而又佐之以

荷塘詩集

〔清〕

張五典
撰

據清乾隆刻本影印
原書版框高一七二
毫米寬二五八毫米

學深之以養詎易及此故以其才與學與養而用之於詩則以詩傳以其才與學與養而用之於政則以政傳豈必屑屑焉摘章繪句與詩人爭一日之長哉方今

聖

天子特重親民之官知 荷塘必以其長於詩者達於政與斯民休養而生息之余承乏茲土而願 荷塘之相與有成也是為序

乾隆五十二年歲次丁未仲秋魏塘金汝珪



序

二

江寧劉文奎鐫字

序言

詩三百篇自祝釐陳式燕饗升歌國家典禮外多采行役之詞凡所歷風土山川及所見嘉卉香草時鳥候蟲心有所觸每託物以摠懷後之論詩者遂謂游非詩不雅詩非游不奇予獨於荷塘之詩謂有不盡然者荷塘家世孝友其先人七世同居荷塘在垂髫時必素承溫柔敦厚之教故其為詩也本乎天性之自然舉孝廉北上公車試令山右旋請假省世父於臺陽於古孝子忠臣遺蹟斷碣殘碑輒摩挲慷慨不能自已生平尤篤師友舊誼雖郵筒遠東而惻愴纏綿溢於豪楮惟其情深故其文明而秦中古帝王之州扶輿清淑之氣鍾焉且多古將相偉烈荷塘生其地襲其風流遺韻在關中時其氣已豪其詩已磊落而足蹟碩且徧天下詩之雅也不待遊之奇而已然然自釋褐應州屢移武鄉又改長沙之攸縣晉水之民惜其去攸江之民喜其來且以其孝友於家者為國家親民之官知荷塘不唯以詩人傳而以循吏

顯也而所至有政聲詩復以宦游成帙抑又奇矣夫無事而遊斯蕩子耳荷塘以猶子杭海而不驚以高才爲邑令而不懈知其至性過人得天獨厚而風土山川及嘉卉香草時鳥候蟲之觸發而爲詩者皆荷塘之寄也荷塘之詩豈獨以游而雅耶荷塘詩已有集茲索得其續稿讀之喜其詩之不效紀遊者徒俊江山之助已也於是乎書時乾隆丁酉仲秋廿一日仁和李汪度拜手序

荷塘詩序

二

敘

涇水見書禹貢詩邶風大雅周禮職方氏左傳秦晉之師而水經注無涇水篇然宋樂史寰宇記百泉縣涇水下水經涇水出安定涇陽縣高山注云山海經曰高山涇水出焉東流注於渭入關謂之八水彈箏峽下水經注云涇水逕都盧山山路之內常有如彈箏之聲行者聞之鼓舞而去又云絃歌之山峽口水流風吹滴崖響如彈箏之韻其他引水經言涇水者不一其詞吾越胡先生謂水

荷塘詩序

一

經本有涇水篇宋初尚存其後亡之是也涇水既著稱于經之本文其源流散見于班固漢書杜佑通典元和太平之地志至其風激水鳴和聲應節則水經注初本與淮南子皆豔稱之涇陽漢池陽縣地涇水所出水之流又東南逕其南表以崆峒之山黃帝之所遊也洩以二渠鄭國白公之所鑿也其地高其材博其水之源清而播之成聲宜乎產其地者鍾其清淑之氣富於學而工爲有韻之文矣上元令張君敘百涇陽之產也以名孝廉宰

省會劇邑卓然有循聲爲政之暇鏤其所爲古今體詩若干首郵示余余發而讀之述祖德紀

國恩漢韋賢班固之作也聽民隱通下情唐白居易元結之樂府古詩也駸駸乎入古作者之室矣顧余更有異者君作吏二十年由晉而楚而吳回翔且將萬里乃其行役之詩聲清而響越如坐讀者于絃歌之山不覺其眉之軒足之蹈非其清淑之氣鍾毓之厚而能然歟夫古來論文獻之盛以秦中爲偉且富矣見於籍者有韻之文最早秦風

荷塘詩序

二

十篇是也金石文自岐陽石鼓四言以下碑林所勒銘詞奇奧冠于九州余獨怪當兩漢唐盛時長安京兆之士起家治大郡者多有循稱而罕有專集傳于世豈循吏文苑二者不可得兼抑儒者服官此事遂廢歟敍百仕優而於詩仍爲之不已其所造寧有竟耶余故述古書之稱涇水者以道其詩之所以佳而爲之敍 肯

乾隆蒼龍五集鶉首日蹊陬訾之次上虞徐立綱拜撰

七世同居孝友家景陽翰墨擅騷葩掣鯨海外波
瀾壯沐日峯頭咳唾華三晉清風餘愛蔭五湖新
雨勸耕畬知君不少葑于曲好慰吳儂望歲賒
乾隆乙巳暢月下澣 大興朱珪

荷塘詩序

三

荷塘詩集總目

卷一 古近體詩七十七首
已卯至癸未

卷二 古近體詩六十七首
癸未至丙戌

卷三 古近體詩八十首
丙戌至庚寅

卷四 古近體詩五十八首
庚寅至甲午

卷五 古近體詩五十二首
甲午至丙申

卷六 古近體詩五十三首
丙申至丁酉

卷七 古近體詩五十八首
丁酉至己亥

卷八 古近體詩六十五首
己亥至己亥

卷九 古近體詩六十九首
己亥至己亥

卷十 古近體詩七十五首
己亥至辛丑

卷十一 古近體詩七十六首
壬寅至甲辰

卷十二 古近體詩八十一首
甲辰至乙巳

卷十三 古近體詩七十二首
補遺

卷十四 古近體詩一百二首
乙巳至丁未

卷十五 古近體詩六十六首
丁未至戊申

卷十六 古近體詩八十五首
戊申至己酉

荷塘詩 目錄

一

荷塘詩集卷一

涇陽張在田跋

幽人詞爲張印周先生作

幽人長獨息壁階多蘚蝕道書一弓手披繒芰荷
爲衣杞菊食新篁酣雨放青梢輕陰遮徧屋南北

正果寺

林陰路轉得禪扉合十相迎見赤髭嵐氣當軒朝
雨過松花滿地午風吹觀空未省金輪法供饌聊

荷塘詩 卷一

一

叅玉版師一片石碑堪共語谿田老筆具微詞

馬光

祿理撰碑有云人能移禮佛之心以禮其所當禮則亦善人矣

趙梅塢家藏吳徵君天章書扇索題

一卷蓮洋集千秋鮑庾才偶書執扇重如向戣山
來談藝每少可進身羞自媒品流誰擬得祇聽說
詩魁

灌樹篇

兒童學種樹澆灌日數大燥濕須有常水尼亦爲
累方今春半時耕深種已輒鎮日晴風吹龜坼隴

頭地村村田舍翁半腹惟糲食糲食亦何嫌所慮
行告匱婉婉養蠶婦含愁理曲植陌上榭與桑婆
娑渺生意安得萬頃陂隨處桔槔置百昌快一滋
不言忘機事

與性樸上人

天柱峨嵋取次尋歸來長倚舊雙林七斤衫濕野
雲重一局奕殘牕月沉詩瘦並無蔬筍氣色空真
見妙明心陳思衿契誰能似時向魚山領梵音

寄王斗文筦庫兼懷蘭山山長劉九嘯

荷塘詩 卷一

二

轉輸看已罷西陲消得官閑歲宴時九曲冰河又
錦鯉五泉山市出塵黎森疎不解修邊幅酩酊時
聞倒接羅可向髯劉把樽酒春風座上共談詩

早春郊行

負手橫阡路行行縱目時礪鋌挑野薺舉鉅墾山
畝力作人如此收豐歲未知城中諸士女方議辦
春嬉

行經唐貞陵

民物留思詠衣冠此寄存羣山拱松隧野溜避苔

垣問政從閒獵除官重外藩樵人口碑在賢令李
行言

送別

挽留不可住相送過城隅別淚君先落徘徊日欲
晡

送戴梅坡孝廉赴華州卽歸松江

西來看太華因之訪谷口相逢一笑間酣歌爲拊
缶偶攜獵閒原飛箭穿高柳故家五茸城得非射
鴈手急裝旋告別挽留欲繫肘蒲輪平舒道懸榻

荷塘詩 卷一

三

待已久謂席刺史紹葆三峯出雲表大河落關右輕策共

追攀天風灑杯酒練影望吳門蒼茫一引首金壘
思尊羹玉井拔雪藕

答趙梅暉

海畔梅暉休如此要將蹤跡寄塵市自憐刻羽雜
流徵阿誰一洗箏笛耳胃脯販脂何足齒丈夫相
期在萬里息翼好作鵬南圖改鳴何必臬東徙決
雲摩漢會有緣幾見鸞鳳老荆枳七十未半非蹉
跎閉關僕亦從今始

和韓書原雪獅歌

詩老胸羅足萬象雕鏤要見吾才壯夜來玉戲戲
天公銀獐鹽虎齊奔放凌晨縛等堆巍峩倏然卽
景窮殊相黃超不及白超超手指抨彈歸意匠寫
生好手古陸子祇園甘露掃屏幃左顧右躑猛而
和丹青遊戲神閑暢古人工畫今工塑能事後先
不相讓贊詞奇偉雪堂翁并向千秋繼高唱鯁生
薄技慙雕蟲體物爭能便劉亮烘呵凍筆聳寒肩
簷際颼颼風簸颼

荷塘詩卷一

四

宿安陽屯

烟林翳古屯歸鴉競啞啞往來幾經行熟識到老
馬孤懷莫與論濁醪自傾瀉窻紙颼微風床頭耿
殘炮僕僕少寧居歲月那堪把輾轉不成眠攬衣
促御者

七里橋

洛陽

大夏門前盤馬來寧知武庫是全才南征看取平
江漢笳鼓橋頭振旅迴

白馬寺

漢代鴻臚寺於今白馬名佛幢高綽影齋鼓遠流
聲界向中天立華緣大地生園橋觀聽處曾記禮
桓榮

香山寺

早讀香山詩便意香山蹟今來渡伊水蘚石踏亂
石梵宮出林麓曲磴扶輕策勝額認舊名殿宇失
金碧問僧十寺基拄杖爲指畫凌風到極巔山川
供搜索俯見洛與瀍分合練影白平眺及嵩高衆
峯各秀澤伏牛覆釜堆別鮮亦絡繹安得作長住

荷塘詩卷一

五

徑與塵境隔龕佛配樂天行去聲願在夙昔題壁從
結緣他日非生客

呈張礪山先生

高會香山散綺霞春鶯啼斷舊臆紗風情剩有張
司業麗日茸茸解賦花

寄家用儀兄

閉閣頽然坐思君病瘥時齋清持梵偈睡足理吟
髭三載聚還別半生兄更師遊蹤益學問苦語記
臨岐

歲暮懷人詩

憶得行厨挈玉卮洛橋為赴老人期因看酒漬留襟袖又引情懷到履綦朔吹邊鴻正淒緊隴雲關

樹太迷離清伊一綫寒烟裏舊是龍門賞雪時何連

滴先生時任徽縣學博向在家伯父幕中

各山堂上老詩翁乘興東遊到浙東約我秦淮同

蕩槩迴帆汙漢獨乘風却將古錦囊中句為附流

雲雪裏鴻準擬春來尋禹穴鑑湖一曲繫孤篷張甲

周先生家藏宣和名山圖遂以名其堂約南遊余不果先生獨往溯江漢歸著有浙樾集

荷塘詩 卷一

六

豈有田園歸去來老年家計舊書堆高情共見閒

居賦上土原非百里才屈宋芬芳初蕙蔭歐虞雲

露結胚胎門前問字多佳客伏臘誰為致酒材熊母

舅曉峯自未陽罷歸教授生徒書法晚年益工

魏舒恩受外家多辜負關心奈若何行笥緘滕藏

鐵硯敝貂風雪渡黃河消閒對奕燈頻剔忍凍孤

吟手自呵佳賞無能分共我屢傳書札慰蹉跎熊母

舅訥夫

一片離情五字詩東門攜手悵臨岐依棲最久難

為別爾汝之交更有誰來照屋梁新月色從翻簾篋舊烏絲鋤經堂外風敲竹颯颯應知有所思趙連

城

西園借寓古城隅短李將劉共一區笑我無端辭

白社羈人有似憶黃墟猶聞舊業同畊硯但恐荒

庄偶負租請作聯珠成合璧大書鬱壘換屠蘇李念

曾劉尹瞻

問君暮景稱心無定力看為如意珠鰥久已甘宵

寂寞病瘳不礙貌青臞閒來小步拖印杖醉後長

歌缺唾壺時向高堂博歡笑兒啼手弄老萊烏族兄

儀用

偃師與王明府紫園

功邁築宣防占星得歲穰溝塍引伊洛磽确墾嵩

邨行野得新政于垣非小康請君作長策傳堰倣

滎陽

紀將軍祠

東門黃屋爭傳呼西取咸陽作帝都義薄雲霄震

天地泰山一擲千金軀水犀三千圍小孤龍袍飛

躍宮亭湖感會風雲奮智勇乘時各與効撐扶明
主手持酒一孟布衣劉季是吾徒誰知得士亦相
似忠烈後先同軌模東就康郎俎豆俱廟貌丹青
久不渝將軍心法貽千古擬得英魂招鄭巫

題畫荷

樹色遙連谷口霞柳家泉畔是吾家陂塘十里曾
移種太華峯頭玉井花

謁遊梁祠

孟子祠堂在巖巖數仞牆神功不下禹轍跡記遊

荷塘詩 卷一

八

梁啟口談仁義薰心惜惠襄臺池遺址盡城畔水
茫茫

鐵塔

孤塔城中起流雲牕外過盤盤到絕頂平遠見黃
河

送喬大

德淵 李六 燕 歸洛下

並轡應爲乘興遊過存好與慰離愁論文酒酌三
更雨放眼人憑百尺樓已共劇談留匝月不堪作
別正逢秋花時遲我轡轅館同上蒿邱最上頭

爲朱次封題尊君先生照因寄問

倚中猶野鶴相見輒傾心因以思仙客翛然寄故
岑觴飛春月夜筇曳晚楓林尺素憑雙鯉東湖水
正深

乞陸二柳畫水竹屋基圖

吾家涇水陽古原對畢郢渭川在其南修竹千畝
整振衣到崇岡遊日時引領斷靄浮太乙殘雪明
秦嶺獨於蒼茫中愛此蕭蕭影風雨自迷離晴霽
得明靚心並緣天濶興隨碧雲永殷勤約此君共

荷塘詩 卷一

九

我茅屋冷安能遠招尋有需長借景位置脫常徑
焉得不速肯中田兩泉眼渟泓復淥淥交橫瀉莎
渠短約裁枯梗本來無町畦儘與窮幽屏風前揖
樺柳波上俯藻荇請掬瀟湘管爲寫簣簞境潤筆
吾已辦溪茶與山茗

陳留二首

慢說埋名吳下初虎賁相貌亦徒胥竟逃東甬誰
能識欲待髡黥續漢書

同時荀爽蔡邕愧申屠笑擲徵書膽滿軀東郡曹

公亦健者焚山收到阮元瑜

張睢陽墓

智勇真源令江淮保障功摧鋒諸矢銳贊士雀羅
空三日遲通援孤城早竭忠泉臺逢許守遺恨散
悲風

武津關

俗傳爲昭關非也史記索隱注曰昭關在西江乃吳楚之境甚確伍胥聞

太子建在宋往從之建瓦伍胥與勝奔吳或經山耳

劍佩脫江上往來由宋中須臾不忘郢畢竟愧鄭
公樹梓堅封土飛濤怒捲風龍門休述怨只弔霸

荷塘詩

卷一

十

吳功

宋州懷古

秋竹寒烟似古時隋隄楊柳半離披菟園白雪鄒
枚賦酒客黃壚李杜詩城寄蓉陰仙縹緲筆殘花
影夢參差憑誰喚起西陂叟玉笛滄洲坐並吹

徐州

彭門祇在呂梁西水照孤城向背迷上到黃樓一
昂首石堤爭與楚山齊

躡屐凌兢堤上行穿雲初日照霜明路迴閔子村

邊去蘆荻無花秋水清

龍翔夔躍避秦羸九鼎深藏水一泓枉用鞭笞驅

海石却來齋戒禱彭城

大蛇中斷哭山隅圖識先開赤伏符伐荻蘄洲射

龍子寄奴家世舊粉榆

玉斗春冰碎劍鐔石函紫氣逼星光千年破冢人

爭識畢竟雄鋒過項莊

舊養饑鷹計已疎白門面縛意何如茂才袁渙不

忘故肯爲將軍作罵書

荷塘詩

卷一

十一

臨淮號令肅秋毫坐老徐方部曲驕誰向商州收

潰卒張旗伐鼓渡藍橋

江湖蕩漾見風神倘儻張公八尺身幕下羅才得

韓子曾經傾倒杜陵人

燕子樓中賦曉寒司勳到日已春殘算應輸與香

山老及得風前看牡丹

萬木雲龍鎖窈冥西山初斷一痕青筇枝棕履蒼

苔徑重問吾家放鶴亭

清江浦感慟八叔父

嘗官南河縣丞後歸部時銓卒公諱暖字步

王年家子王
廷詔敬與

艱辛吾叔父未肯合時宜壯笏原疎放防川効職
司平聞謫滿百不泣路多岐自愛銜杯樂嘗言荷
鍾隨拂衣辭楚塞迴策去京師真有相如渴寧
徒曼倩饑風神非實落魂夢苦參差孤月沉漣水
殘烟散鉢池來經規畫地先問舊題詩飲處鴉棲
壁生前宿直箕歲時楸隴隔悠邈竹林期慟灑天
邊淚洪河注海湄

漂母祠

荷塘詩 卷一

三

嘔嘔分飲食亡楚竟何如豈望千金報長懷一飯
初江邊子胥劍城下魯連書氣誼歸前古幪巾並
有餘

次韻寄呈吳丈綱村

家山陽任河北觀
察南來承詩贈行

北面曾爲問字客南來偶作致書郵繞廬喬木欣
依託閑閣郎君重欸留好月山陽攜舊侶恬風淮
上送行舟裁詩并欲通家問爲報平安到汴州

劉伶臺

高臺俯水濱林壑自幽曠擬覆杉皮屋杜康配東

嚮

揚州

已是秋殘細雨中還看城郭綠雲叢揚州烟月原
如此誇到文章誤廸功

歐蘇兩文忠祠下作二首

流丹飛翠水雲間祠占邗溝灣復灣領管漁洋遷
去後詩魂何處不平山

有憶前朝王司李王公發
涇陽人黃山冤獄抗扶持誰同

強項來陽伯爲起關西二勁祠

荷塘詩 卷一

三

江口

夜醉揚州月曉乘瓜步潮攬衣江口起熨眼看金
焦

潤州懷古

江北聲援未肯留幾人開府壯軍猷和戎徒事金
繒費走敵曾聞橘茗投終引虢虞傳鳳詔爭能陳
蔡割鴻溝鄂州都統移宮去風雨圖山哭暮秋

宋宗忠簡公祠

夬計幸維揚無勞屢上章偏安窺帝意恢復笑君

狂天雨爲留守地與無汴梁丹陽陳太學抗疏詆汪黃

黃山

林際春申君直上何蘊蠹蟬跨吳墟從橫俯北濱談鋒解楚阨從長雪秦辱客履躡綴珠劍室壓飾玉想其初盛時臺館被巖谷寧知千載後樵牧恣躑躅減口棘門道爲求母望福還語後來者弱人工反覆

野泊

荷塘詩卷一

十四

菱老曳殘絲荷枯偃曲蓋秋烟和晚照弄影寒塘外

吳江訪李文漪亭里居因乞玉洲太史集

儒學在關中

國朝溯三李講席故依然宗風需振起夫子自吳江蒲輪入槐市帳懸伯起堂經談橫渠理餘情恣槃礴雅調諧宮徵宏聲流大夏遺音聞正始膏馥乞後輩題品成佳士予也生較晚私淑原竊比因識嵇侍中來欸高陽里門前湖水平爲揭永明旨

謁鄭公夫子

吳公嗣富當觀學秦中掌教嵩山

來謁省齋子步過通德門神和占道力語簡得詞源館閣聲華舊關閩講席尊名山經世業

文治贊

虞軒

西湖

瘦筇幽屐自相隨才說濃華便不宜西子湖邊緣分好初逢恰是淡穠時

異代詞人白與蘇風流餘子未全殊田家汝成舊志

荷塘詩卷一

十五

從新讀題字於今半有無

看竹雲棲入翠烟重行不足豈前緣六橋遊客曾知否徑是還他第一天

傅玉筍太史招同齊次風邵椒石兩公湖舫

小飲

招邀已屢至此日又重過忝作同舟客誰爲斫地歌層波環翠水遠岫出青螺聊記追仙侶飛觴醉大羅

答次風先生

玉筍翁座間先生問及入水近日形勢得悉言之翼日辱贈詩